

Onderhawij ma tre wordt met algemene stemmen  
aangenomen.

Mo tie 2



Eilandsraad verg. d.d. 1 sept '15  
Voorzitter,

Griffier,  
*(Signature)*



MOSHON

Griffie ER Bonaire	
Ingek.:	SEP 01 2015
Volgnummer:	2015009310
Griffier:	Jrv.:

CONSEJO INSULAR REUNI DEN REUNION PUBLICO DI  
1 DI SEPTEMBER 2015

**KONSIDERANDO KU:**

- Fundashon Cas Boneriano (FCB) statutariamente tin e tarea importante pa konstruí i hür kasnan pagabel pa esnan mas vulnerabel di nos komunidad ku ta e grupo di ménos rekurso;
- Ultimo añanan FCB a oumentá preis di hür di kas konsiderablemente;
- e maneho di adaptashon di preis di FCB manera esaki ta aktualmente, mester keda revisá mas pronto posibel;
- rapòrt NIBUD ta indiká bon kla ku situashon soshal ekonómiko di hopi famia ta delikado;
- faktornan manera pèrdida di forsa di kompra i oumentu di kosto di bida últimamente a trese un desbalanse formal pa ku e situashon sosial ekonómiko di hopi famia;
- tin habitante di kas di FCB ku strukturalmente tin problema finansiero serio i no por kumpli ku pago di hür i tampoko otro gastunan mensual;
- apesar di vários sanashon di debe tòg e famia ta keda kai atras ku pago, un estudio adishonal i profundo di e famianan aki ta deseabel i rekomendabel;
- den un konferensia di prensa di 31 di ougùstùs último Direktor di FCB a anunsiá públikamente ku pronto ta bai saka hende for di kas;
- e direktor a deklará tambe ku FCB lo no aseptá areglo di pago i ku e debe mester wòrdu paga 100% inmediateamente sino lo saka e habitante for di kas;
- regulashon estrikto despues di 10-10-10 di "Autoriteit Financiële Markten BES" (AFM) a pone ku ta imposibel pa un suidadano ku poko entrada yega na finansiamentu;
- entre e habitantenan ku pronto lo ta riba kaya tin 42 mucha menor di edat;
- rapòrt UNICEF "Kind op Bonaire/Kinderrechten in Caribisch Nederland", ta ilustrá ku nos muchanan ta wòrdu konfrontá ku hopi problema serio pa falta di nan situashon soshal pésimo ku nan ta biba aden;
- ponementu di 42 mucha menor di edat riba kaya sin un dak riba nan kabes ta violashon di e tratado pa derechonan di mucha;


- un Konseho Insular ku realmente ta karga su responsabilidadat pa ku su pueblo no por permití e situashon aki kontinuá.

TA DISIDI:

1. pa invitá direktiva di FCB pa un sekshon di interkambio di informashon ku Konseho Insular riba su maneho i medidanan;
2. pa urgi Kolegio ehekutivo pa yega na un akuerdo ku FCB ku en espera di resultado di e reunion(nan) ku Konseho Insular, wanta tur desishon pa ku sakamentu di hende for di kas i muchanan menor di edat en partikular lagando nan riba kaya;
3. pa urgi Kolegio ehekutivo pa revisá dentro di 6 luna e maneho di adaptashon di preis di Fundashon Cas Boneriano huntu ku Huurcommisie i Direktorado Komunitat i Kuido, teniendo na cuenta e karakter di FCB komo tal i relatando esaki na e realidad sosial-ekonomiko di Boneiru;
4. pa Kolegio Ehekutivo inisiá mas pronto posibel ku un estudio riba posibilidatnan pa un banko di krédito soshal pa Boneiru pa asina duna hendenan ku debe serio i struktural un chèns pa kuminsá di nobo.

Ta pasa pa òrdu di dia, Boneiru 1 di Sèptèmber 2015.

Firmantenan:



The image shows several handwritten signatures in blue ink. The signatures are arranged in a cluster, with some overlapping. The names are not clearly legible but appear to be: 'Edm. B...', 'MSM Jange', 'J...', 'K...', and another signature that looks like 'M...'. There are also some scribbles and a large, stylized signature on the right side.